

कृष्णयजुर्वेद-समिदाधानम्

अनुक्रमणिका

समिदाधानम्	3
सङ्कल्पः	3
परिषेचनम्	3
होमः	3
उपस्थानम्	4
भस्मधारणम्	5
समर्पणम्	6

॥ समिदाधानम् ॥

॥ सङ्कल्पः ॥

आचमनम्।

शुक्लाम्बरधरं विष्णुं शशिवर्णं चतुर्भुजम्।
प्रसन्नवदनं ध्यायेत् सर्वविघ्नोपशान्तये॥

प्राणायामः।

ममोपात्त-समस्त-दुरित-क्षय-द्वारा श्री-परमेश्वर-प्रीत्यर्थं
प्रातः/सायं समिदाधानं करिष्ये।
(लौकिकाग्निं प्रतिष्ठाप्य। अग्निमिध्वा। प्रज्वाल्य।)

॥ परिषेचनम् ॥

परि॑ त्वाऽग्ने॑ परि॑मृ॒जा॒म्यायु॑षा च॒ धने॑न च। सु॒प्र॒जाः प्र॒जया॑
भूया॑सꣳ सु॒वीरो॑ वी॒रैः सु॒वर्चा॑ वर्च॒सा सु॒पोषः॑ पोषैः॑ सु॒गृहो॑
गृ॒हैः सु॒पतिः॑ प॒त्या सु॒मे॒धा मे॒धया॑ सु॒ब्रह्मा॑ ब्र॒ह्मचा॒रिभिः॑ ।
[दे॒वं स॒वितुः॑ प्र॒सु॒वा।]

॥ होमः ॥

अ॒ग्नये॑ स॒मिध॒माहा॑र्षं बृ॒हते॑ जा॒तवे॑दसे।

यथा॑ त्वम॒ग्ने स॒मिधा॑ स॒मिद्ध॑सं ए॒वं मा॒मायु॑षा॒ वर्च॑सा स॒न्या
मे॒धया॑ प्र॒जया॑ प॒शुभिर्ब्र॑ह्मवर्च॒सेना॒न्नाद्ये॑न॒ समे॑धय॒ स्वाहा॑॥१॥

ए॒धोऽस्ये॑धि॒षीम॑हि॒ स्वाहा॑॥२॥

स॒मिद॑सि स॒मेधि॑षीम॒हि स्वाहा॑॥३॥

तेजो॑ऽसि तेजो॒ मयि॑ धेहि॒ स्वाहा॑॥४॥

अपो॑ अ॒द्यान्व॑चा॒रिष॑ꣳ रसे॑न् सम॑सृ॒क्ष्महि॑। पय॑स्वाꣳ अ॒ग्न॒
आग॑मं तं मा॒ सꣳसृ॑ज॒ वर्च॑सा॒ स्वाहा॑॥५॥

सं मा॑ऽग्ने॒ वर्च॑सा सृज॒ प्रज॑यां च॒ धने॑न च॒ स्वाहा॑॥६॥

वि॒द्युन्मे॑ अस्य दे॒वा इन्द्रो॑ वि॒द्यात्स॒हर्षि॑भिः॒ स्वाहा॑॥७॥

अ॒ग्नये॑ बृ॒हते॑ नाका॑य॒ स्वाहा॑॥८॥

द्यावा॑पृ॒थिवी॒भ्याꣳ स्वाहा॑॥९॥

ए॒षा ते॑ अ॒ग्ने स॒मि॒त्तया॑ वर्ध॑स्व॒ चाप्या॑यस्व च॒ तया॑ऽहं
वर्ध॑मानो भूयासमा॒प्याय॑मानश्च॒ स्वाहा॑॥१०॥

यो मा॑ऽग्ने भा॒गिन॑ꣳ स॒न्तम॑थाभा॒गं चि॑की॒र्षति॑। अ॒भा॒गम॑ग्ने
तं कुरु॑ मा॒मग्ने॑ भा॒गिनं॑ कुरु॒ स्वाहा॑॥११॥

स॒मि॒धमा॑धाया॒ग्ने सर्व॑व्रतो भूयासꣳ स्वाहा॑॥१२॥

(परिषिच्य) [दे॒व स॒वितुः॑ प्रासा॑वीः।]

स्वाहा॑॥१३॥

॥ उपस्थानम् ॥

(अग्नेः उपस्थानं करिष्ये।)